





C115

R







ADVERTISSEMENT
ENVOYE' AUX PRO-
uinces, pour le grand soulage-
ment du Peuple.

SVR LA DECLARATION DE
Monseigneur le Duc d'Orleans, de Lieutenant
Général du Roy par toute la France, Pais,
Terres & Seigneuries de son obeissance.



A P A R S,
Chez SAMVEL DE LARRV, près S. Estienne.

M. DC. LII.

Avec Permission.

ADVERTISSEMENT

LES VOIES A-VX PRO.

indics, pour le grand soulage-

Case

ment de l'empire.

F

39

326

NOTIFICATION

Monsieur le Procureur de l'Université

de Paris, le 15 Mars 1759

Il est de l'Université de Paris.

THE NEWBERRY
LIBRARY

M. DE LIT



A D V E R T I S S E M E N T
*enuoyé aux Prouinces , pour le grand
soulagement du peuple : Sur la Decla-
ration de Monseigneur le Duc d'Or-
leans de Lieutenant General du Roy
par toute la France , Pays , Terres &
Seigneuries de son obeysance.*

CE n'est point à tort & sans cause que l'on
trouue à redire au Gouuernement pre-
sent de l'Estat, d'autant qu'estant entre les mains
des ennemis du Roy & de la France, il n'y a pas
lieu de s'en louer. Ce n'est pas le mesme de ce
regnicy, que celuy des deux Roys HENRY
LE GRAND ET LOVYS LE IVSTE, Pere
& Fils, de memoire immortelle, ausquels on
ne se pouoit pas plaindre des Ministres qui
conduisoient le Gouuernai de cét Empire Gau-
lois, qui estoient tous anciens seruiteurs de leurs
Majestez, lesquels ils maintenoient dans la di-
gnité de leurs charges, destournant de dessus
leurs testes blanches la disgrace dont vne nuée
de Grands les menaçoit, & les obligeans par
bien-faits à mieux faire que jamais; ce qui leur
reüssit si bien, que par la continuation de leurs

4

bons & salutaires aduis, ils s'acquierent du depuis la gloire qui leur demeura toujours de n'estre pas moins peres du peuple que roys de France.

Je ne scaurois lire la responce que la feüe Reyne Mere Marie de Medicis fit au commencement de sa Regence, sur les plaintes de quelques-uns, (qui aymoient le changement) contre ceux qui alors tenoient les premiers rangs dans le Conseil, & n'y eust sorte d'artifice que l'on n'employast pour les perdre, sa Majesté iugeant que ce seroit chose indigne non seulement de sa generosité, mais de sa conscience, de sacrifier par vne espeece de bannissement la vieillesse des anciens seruiteurs; Les Sieurs de Villeroy, de Silbery, du President Jeannin & autres grand hommes d'Estat, à la passion de quelques particuliers, elle les maintint sagement en leur charges. *Il est facile (disoit-elle lors) de descrire les actions de ceux qui manient les affaires publiques, tant le nombre des mal contents & des enuieux du bien d'autruy est grand & le desir de ceux qui s'ennuyent du repos n'estant pas moindre.* Que se pouuoit-il dire de mieux là dessus & en si peu de mots? Il est aisé de vray; pource qu'estant de leurs deportemens, comme des visages de ces anciens Empereurs, à qui l'idée du peintre preste la figure qu'il luy plaist, faute d'en scauoir la vraye: il ne faut pas estre
beaucoup

5
beaucoup ingenieur pour les rendre suspects
aux peuples, qui ne sçachant iamais bien ce qui
se passe, ne craint rien si volontiers que le mal
qu'on luy dit de quelqu'un.

La pluspart des hommes par ie ne sçay qu'el-
le malignité naturelle, regardent ordinairement
de trauers le bon-heur d'autrui, se figurans que
le monde n'est bien fait qu'autant qu'il va selon
qu'ils le desirent, comptent entre les desordres
publics tout ce qui ne s'accommode pas à leurs
interests particuliers.

Quelque diuersité de conditions ou de cou-
leurs qui les distingue entre eux, ils se ressem-
blent tous en ce poinct que des meilleurs Con-
seils que le Roy recoiue d'autrui rarement en
approuuent-ils aucun, s'il n'est moins auanta-
geux aux peuples qu'à leurs desseins: ils n'ont
point d'autre Pierre de Touche en cela que leur
utilité. Si l'un n'emporte le Benefice qu'il guet-
te au passage; si l'autre ne paruiet à quelqu'un
de ces honneurs, de l'esperance desquels il nour-
rit la vanité de son ambition; si celuy-là ne ren-
contre la faueur qu'il cherche pour auoir vne
pension sur les menus plaisirs: si cettuy-cy ne
demeure en possession de faire dans l'exercice de
sa charge toutes ces griuelées que la corruption
des mœurs à tournées en coustumes: Bref si cha-
cun d'eux n'obtient, ou ne fait tout ce qu'il

pourfuit & tout ce qu'il veut, ceux qui gouvernent gastent les affaires, il en faut mettre en leur place d'autres qui fassent mieux. Telle est la corruption du temps d'apresent.

C'est ce qu'à fait le Cardinal Mazarin, si tost qu'il s'est veu élevé à la dignité de premier Ministre d'Etat, il chassa du Conseil ceux qu'il scauoit cōnoistre son peu ou point de merite, & son ignorance aux affaires, & tint par deuers luy ceux desquels il se promettoit d'estre secondé en ses mauuais desseins de troubler la France, nourrir la guerre, voller les deniers du Roy & rendre le peuple miserable, tels qu'estoient Emery, Seruien, le Tellier, de Lyonne, Galand, Bordier, Catelan, Chabenac & autres.

Il a tenu à gloire d'obseder l'esprit de la Reyne, captiuer le Roy & le faire obseruer par ses confidens Italiens, ennemis de la France & du peuple, ayant éloigné d'auprès sa Majesté Monsieur le Chancelier Seguier, Monsieur de Chasteau-Neuf Garde des Sceaux, Monsieur le Comte de Chauigny, ne luy ayant laissé que Manchini son nepueu, Botru bouffon & autres qui ont donné à son esprit telle teinture qu'ils ont voulu.

Il s'est declaré ouuertement ennemy de la Maison Royale, des Princes du Sang & des Cours Souueraines, qu'il a voulu perdre par ses

7
trahisons, sans espargner la Ville de Paris, de la³
quelle il a depuis long-temps minuté la ruine,
& la fait après cognoistre en l'attaque que ses
Generaux mercenaires ont faite au Faux-Bourg
de S. Anthoine, qui s'en estans rendus maistres
pretendoit en suite auoir la Bastille, le Boule-
uard de la porte saint Anthoine, l'Arsenal, l'Isle
de Nostre-Dame, le Temple, saint Martin des
Champs & faire entrer le Roy & luy triom-
phant, avec vne puissante armée dans Paris par
les grandes intelligences qu'il y entretenoit, &
reduire cette grande Ville au pillage & en cen-
dres, mal-heureuse intention de ce tyran estran-
ger que Dieu a ruiné par le courage de son Altes-
se Royale & de Messieurs les Princes, lesquels
ont heureusement fait porter la peine aux en-
trepreneurs & executeurs des trahisons Mazari-
nes, en rompsans leurs troupes & les obligeans
à faire vne retraite honteuse.

Tous ces attentats, conjurations, entrepri-
ses & la retenue du Roy entre les mains de Ma-
zarin ennemy de sa Majesté & de l'Estat, ont fait
resoudre son Altesse Royale, Messieurs les Prin-
ces & le Parlement de Paris d'aduiser aux moyes
pressants de deliurer le Roy, & de chasser le Ma-
zarin, pour mettre la France en repos, & l'ex-
pedient meilleur qu'ils ont trouuez.

De declarer Monseigneur le Duc d'Orleans

Lieutenant General du Roy en France, Terres,
Seigneuries & pais de son obeissance.

Monfieur le Prince de Condé Generaliffime
des Armées.

Monfieur le Duc de Beaufort Gouverneur
de Paris.

Que commandement fera fait aux Maref-
chaux de France, Officiers de la Couronne, Ca-
pitaines & Lieutenans de la Garde du Roy, d'a-
mener fa Majesté à Paris, à peine d'estre decla-
rez criminels de leze-Majesté.

Que tous Tresoriers, Receneurs & Officiers
de Finances Comptables produiroient leurs
comptes, & deffense à eux de liurer les deniers
qu'ils ont entre leurs mains à qui que ce soit,
que par les ordres de son Altesse Royale, à peine
de payer deux fois.

Que sadite Altesse Royale leuera des gens de
guerre en nombre suffisant pour aller deliurer le
Roy & l'amener à Paris.

Que l'Arrest du Parlement de Paris, au fait de
cette Declaration, sera enuoyé aux autres Parle-
ment de France pour s'y conformer & donner
pareils Arrests suivant la mesme Declaration.

Ce sera icy les moyens d'auoir bien-toist la
paix generale, & la France reuoir le Siecle d'Or
retourné, & tel qu'il estoit sous le regne du Roy
Henry le Grand, qui est sous le bon desir de sa

dite

9
dite Altesse, & de soulager le peuple de tout son possible en cette qualité de Lieutenant General du Roy par toute la France, en faisant s'il luy plaist faire executer les articles suiuanes ;

SCAVOIR.

I. Que les Tailles seroient reduites à neuf millions de liures, comme elles estoient l'an 1609. vn an deuant la mort déplorable du deffunct Roy Henry le Grand, au lieu qu'à present elles passent cinquante millions de liures.

II. Qui à cause de la misere du temps, en laquelle la plus grande partie des Prouinces, les Bourgs & les Villages sont aujourd'huy abandonnez, sera donné trois années d'exemption de Tailles aux Habitans de la Campagne pour leur donner moyen de se remettre & continuër leur labourage.

III. Que les Elections establies depuis ce temps-là de l'an 1609. és pays d'Estats seront cassées, & les Officiers d'icelles deuëment remboursiez de la Finance qui se trouuera auoir esté pareux payee aux coffres de sa Maiesté.

IV. Que le nombre desdits Officiers qui augmenté depuis leur establissement au Royaume, où à present il y a iusques au nombre de douze, & en aucunes seize ou vingts qui vont à la charge du public, sera retranché & réduit comme il

estoit audit an 1609. à la charge de rembourser les nouueaux des sommes qu'ils monstrent auoir payées à l'Espagne.

V. Que les Intendans de la iustice qui sont aux Prouinces seront supprimez suiuant l'Arrest de la Cour de Parlement de Paris de l'an 1648.

VI. Que tous impôts extraordinaires faits à l'instance des Partisans, & dont les Patentes n'auront esté verifiées aux Cours Souueraines seront ostez & abolis, comme estans à la charge du peuple.

VII. Que les Rentes sur la Ville de Paris seront payées par les quatre quartiers aux Rentiers selon les Arrests de la Cour, & les Payeurs d'icelles y contrainsts par emprisonnement de leurs personnes.

VIII. Que de toute nouuelle creation d'Offices ceux qui en traicteront avec le Roy prendront leurs lettres de prouisions aux parties Casuelles, avec la quittance de la finance desdits Offices qu'ils auront payées selon la teneur de leur contract au Tresorier desdites parties Casuelles, sans plus mettre les Offices en party ainsi qu'il se faisoit sous le mesme deffunct Roy Henry le Grand, sans qu'il soit à l'aduenir besoin d'aucuns Partisans pour le bien & profit de sa Maiesté & de ses sujets.

IX. Que les anciens impôts mis sur le bois

seront continuez, & les nouveaux abolis, sur les deniers desquels seront pris les droicts des Officiers.

X. Que les Vendeurs de Vins obserueront l'Arrest de la Cour de l'an 1648. & ne prendront que trente sols pour le droict de chacun muid de Vin vendu.

XI. Que le Sel qui se debite à la Gabelle & Greniers à Sel, sera le minor deliuré pour vingt-cinq liures au lieu de trente sept qui se payent à present.

XII. Que pour la mine de charbon à brusser ne sera pris pour celuy de la Gréue que vingt-quatre sols, & celuy de l'Escole vingt-huict sols comme il se faisoit cy-deuant, outre les frais ordinaires des mesureurs & porteurs.

XIII. Que les Arrests de la Cour de l'an 1648. pour le pied forchu sera entretenu & obserué touchant le droict des Vendeurs sans en prendre de plus grands, & qu'un tableau sera mis aux Bureaux deldits Vendeurs, auquel seront lesdits Arrests inferez.

XIV. Qu'aux Hostelleries & Tauernes des grands chemins sera fait vn Reglement de Police pour la taxe du pain, du vin, de la viande, du foin & de l'auoine, pour laquelle il y aura vn tableau en chacune Hostellerie & Tauerne, afin de remedier aux desordres & aux prix excessifs.

que les Hosteliers & Tauerniers exigent de leurs Hostes, & qui sont contraints le plus souuent de se loger aux lieux destournez, éloignez des grands chemins.

XV. Que les Ordonnances de la Police seront obseruées & executées, & que le Lieutenant Ciuil Chef de la Police en la Ville de Paris, rendra toutes les sepmaines compte à la Cour des diligences qu'il aura faites pour la Police, à peine d'en respondre en son propre & priué nom & de suspension de sa charge, que luy ou ses officiers és iours de marché, se transporteront és lieux & places des marchez, pour visiter le bled & la farine, cognoistre le prix de la vente, & dont il fera son rapport à la Cour, comme dessus.



REGLEMENT POUR REME-

dier aux desordres de l'Estat.

I.

QU'E s'il plaist à la diuine bonté nous donner la paix, l'Assemblée des trois Etats de France sera indiquée en la Ville de Paris, pour aduiser aux moyens d'abolir les abus & desordres qui se sont glissez en tous les ordres du Royaume pendant les troubles derniers, qui sont cause que toutes choses sont petuerties.

2. Que lesdits Estats seront libres & la nomination des Deputez faite à la pluralité des voix de chacun ordre, sans brigue, pratique, faueur ny respect.

3. Qu'il sera permis à vn chacun d'y enuoyer les aduis & memoires des abus & desordres, & de ce qu'il iugera estre à propos d'y presenter pour le bien de l'Estat & du public.

4. Que les cahiers des Chambres estans dressez & signez, ils ne se separeront qu'apres qu'ils auront esté respondus & accordez.

5. Que ce qui sera resolu, conclud & arresté par lesdits Estats respondus passera pour Loy, sans y estre en aucune façon contreuenue, mais sera suivy & obserué.

6. Que tous les Reglemens qui auront esté faits par lesdits Estats, seront enregistrez en toutes les Cours Souueraines, Presidiaux, Seneschauflées, Bailliages, Preuostez & en toutes les Iurisdiccions subalternes. Pour y auoir recours quand il en sera besoin.



REGLEMENT SUR LE FAIT

des Finances.

QV'à l'imitation du deffunct Roy Henry le Grand, il y aura dans l'Arsenal de Paris,

D

vn Magazin de toutes sortes d'armes, cuirasses, corselets, salades, rondaches, mousquets, fuzils, picques, arangées sur des rateliers, & hommes gagez pour les nettoyer & esclaircir, & en telle quantité qu'il y ait pour armer trente mille hommes en temps de guerre.

Qu'au mesme Arsenal, il y aura en tout temps bon nombre de canons de batterie, couleuvrines, mortiers, bombes, grenades, avec leur attirail, boulets & mesches, & à cet effet quantité d'ouvriers y seront entretenus pour travailler incessamment à la fonte des canons.

Que l'artillerie, canons & mortiers qui ont esté cy-deuant tirez dudit Arsenal & menez en diuers lieux du Royaume y seront ramenez selon les ordres du Grand Maistre de l'Artillerie les Lieutenans & Officiers, pour s'en servir quand besoin sera.

Que selon la Declaration du defunct Roy Louys le Juste faite à Nantes l'an 1616. il n'y aura aucune forteresse aux Prouinces, sinon aux places frontieres, pour ne servir plus à l'aduenir de lieux de retraite aux mécontents, ny de refuges aux traistrés & aux rebelles.

Que dans les Villes frontieres où il y aura gar-

nison; les soldats y seront exercez aux armes par des Officiers experimentez à la guerre, afin de les dresser à bien manier les armes & à bien seruir aux occasions.

V.I.

Que le nombre des soldats qui y doiuent estre soit complet sans passe volans, & bien payez & entretenus par les soins des Gouverneurs, à peine d'en respondre en leur propre & priué nom & d'estre priez de leurs charge.

V.II.

Que si dans la Ville frontiere il y a Chasteau ou forteresse, le Gouverneur prendra garde de n'y laisser entrer aucun estrangier pour les accidens qui en peuuent arriuer ainsi qu'il se fait à Naples, à Milan & aux Pays-Bas.

V.III.

Qu'il seroit bon pour le seruice du Roy qu'aux Prouinces & aux Villes les Gouverneurs fussent changez de trois en trois ans, de crainte que leur longue demeure ne les rendist comme absolus, voire à se reuolter comme il s'est veu en France, ou aucuns Gouverneurs pour le long-temps qu'on les laisse, s'y sont fortifiez de telle sorte qu'il a esté difficile au Roy de les posseder: le Roy d'Espagne pratique cela à Milan, Naples & Sicile, ou les Vice-Roys & Gouverneurs, ny sont que trois ans, s'ils n'ont rendu quelque no-

table seruice qui les fait continuër.

IX.

Qu'il est quelquefois dangereux en la conduite d'une Armée, d'un Regiment, ou d'une Compagnie, d'y mettre vn General ou vn Capitaine ieune & sans experience, comme souuent il arriue par faueur & par recommandation à cause du parentage, car outre les grandes fautes qu'ils font en l'exercice de leur charge, ils sont méprisez par leurs Officiers & soldats, pour ne scauoir les conduire & commander.

X.

Que pour le soulagement du peuple en temps de guerre, il seroit necessaire de ne faire errer les troupes plus de vingt quatre heures en vn mesme lieu à cause des desordres qu'ils y commettent: mais les faire aduancer chemin, marcher en ordre sans s'écarter & auoir tousiours des Estappes pour leur fournir ce qu'ils ont besoin, & enjoindre aux Capitaines de ne les laisser ainsi viure en liberté, piller & ruiner les pais, à peine de la vie, & aux soldats d'estre degradez & pendus.

XI.

Qu'au licenciement des soldats apres la guerre, il est necessaire de faire rendre les armes, leur assigner les lieux, ou par compagnies ils passeront ou y séjourneront avec vn Officier iusques au rendez vous en leur pays & maison, & faire

par

par les Preuosts des Marechaux, Vice-Baillifs de faire iournellement leurs cheuauchées avec leurs Archers, & appeller les Communes si besoin est pour courir sus leldits soldats débandez, les prendre & les faire pendre sans aucune forme ny figure de procez.

POUR LE SOVLAGEMENT

du Peuple.

I.

SON Altesse Royale sera tres-humblement suppliée en la qualité de Lieutenant General de l'Estat & Couronne de France, d'employer promptement son armée & les troupes auxiliaires qui luy arriuent à aller mettre le Roy en liberté, porter ses armes contre le Mazarin & ceux qui detiennent sa Majesté, les poursuiure & en faire vne fin, soit ou en les faisans sortir du Royaume, ou les exterminer par la force, afin que le peuple respire & jouisse de quelque repos.

II.

Qu'elle se rende Maistre des lieux & passages occupez par ceux du party Mazarin, afin d'auoir la liberté de faire venir les marchandises des Provinces à Paris, par les riuieres de Seine, Yonne,

E

Marne & Oyse sans aucun empeschement.

III.

Donner ordre à ce que la discipline militaire soit obseruée à l'esgard des soldats, faire en sorte qu'en leur marche & en leur campement, ils soient bien payez & fournis de viures avec defense à peine de la vie de piller ny voller aux lieux où ils passeront, & qu'ils n'empeschent les Habitans de la Campagne de faire la recolte de leurs fruits: enjoignant aux Capitaines de faire ponctuellement obseruer & executer ses Ordres à peine de priuation de leurs charges.

SON ALTESSE APRES AVOIR

défait l'ennemy du Roy & de l'Estat, & rappellé la paix, aura plaisir de se ressouuenir de la proposition faite l'an 1617, en l'Assemblée des Notables de France aux Tailleries.

De faire auoir en tout temps vne milice prestee, composée de cinquante mille hommes de pied & de trente mille cheuaux capable de s'opposer à toute sorte de puissance domestique & estrangere.

Et pour l'effectuer, chacune Prouince du

Royaume entretiendrait nombre de Cavalerie
& d'Infanterie tousiours preste à marcher au
premier mandement, selon son estendue &
abondance d'Habitans.

III.

Que chacune Prouince esliroit ses Officiers
pour conduire & commander à sa milice. Sça-
voir; Les principaux de sa Noblesse pour Capi-
taines & Lieutenans sous vn Chef qui seroit
Gouverneur de ladite Prouince.

IV.

Que pour la marche de cette milice, les De-
putez des trois Estats de la Prouince s'assemble-
roient en la Ville Capitalle pour ordonner de
l'entretènement d'icelle, voir les Officiers choi-
sis, & donner les Ordres de ce qu'ils auroient à
faire.

V.

Que pour la subsistance de cette milice, se-
feroit vn fond de Finance qui seroit mis en
l'Hostel de Ville de la Capitalle, sous la garde de
six notables qu'ils nommeroient: Qu'il y au-
roit vn Magazin de bled en des lieux choisis qui
se renouuelleroit par chacun année, vn autre
Magazin pour l'Artillerie, & les armes en l'Ar-
senal de la Ville Capitalle accompagné de poul-

dres, balles, mesche, attirail & autres munitions de guerre.

VI.

Qu'aux Bois & Forests de la Prouince se feroit des Harats pour y nourrir des cheuaux destinez tant au seruice des Cavaliers qu'à la conduite du canon & du bagage, où seroient personnes choisis & cognoissantes à telles nourritures.

VII.

Qu'en toutes les Festes & Dimanches les ieunes hommes des Villes & Bourgades seroient instruits aux armes, & feroient les exercices sous des hommes experimentez à monstrier à manier la picque, le mousquet & l'hallebarde, & la Noblesse à monter à cheual par des Escuyers gagez & entretenus, ce qu'estant bien obserué, se feroient d'excellens soldats capables de rendre de bons seruices, & pendant la paix ils s'employeroient ainsi aux Festes deux ou trois heures de leur temps aux exercices des armes, & aux iours ouuriers trauailler chacun selon la vocation.

VIII.

Que toutes les milices de France obeiroient à vn Generalissime nommé par le Roy, & marcheroient.

cheroient selon les ordres qui seroient enuoyez aux Gouverneurs , Capitaines & Officiers de chacune Prouince.

IX.

Que durant la guerre chacune milice auroit son Tresorier, lequel par l'ordre des Directeurs cette milice fourniroit la finance necessaire au payement des gens de guerre , & leur General des viures, qui auroit soin de les faire conduire à l'armée.

Par cét establisement il seroit impossible de voir aucune reuolte en France , car vne Prouince venant à se débaucher & rebeller contre le Roy , les Prouinces plus proches avec leurs milices luy courreroient sus, & ne pourroit pas subsister en sa rebellion.

Ainsi en la deuxiême branche de nos Rois, lors que quelque Grand authorisé en quelque Prouince du Royaume se vouloit souleuer, le Roy commandoit aux Prouinces plus proches de prendre les armes & marcher contre luy, le combattre & le ramener à raison , & ainsi les Rois de France n'auoient besoin de leuer des forces ny d'enuoyer hommes, argent ny viures contre leurs ennemis, les Prouinces estoient obligées à cela.

Le Roy François I. ayant la guerre contre

l'Empereur Charles V. fit establir de pareilles milices aux Prouinces de France, lesquelles il employa à cette guerre, & obligea l'Empereur à se retirer.

Qui seroit le voisin quoy que puissant qui olast attaquer vn Roy de France, lequel au premier commandement auroit trente mille Caualliers & cinquante mille hommes bien aguerris & armez pour luy opposer.

Que si son Altesse Royale vouloit executer cette belle proposition, elle rendroit le Roy inuincible, & seroit jouir la France d'une heureuse paix, sans estre plus le peuple chargé d'imposts qui ne se leuent que pour entretenir la guerre, le Royaume ne laisseroit pas de luy payer le Tribut que Dieu luy commande; mais il ne seroit plus charge de Tailles, & auroit moyen d'assister puissamment son prince d'hommes & d'argent au besoin. Il n'y auroit plus guerre à craindre des Financiers ny partisans qui ne pourroient plus faire de griuelées. Le Roy viuroit & regneroit heureusement, & paisiblement aux cœurs de ses peuples sans craindre ny apprehender personne, au contraire, il seroit l'effroy & la terreur de tous les Princes de l'Europe.

Ce sont les moyens adressez à son Altesse

Royale, laquelle apres auoir défait Mazarin & ses adherans, pourroit établir cette belle Milice de France pendant sa Charge de Lieutenant General de l'Estat & Couronne de France, tous les peuples y consentiroient sans contredit se voyant ainsi déchargez d'une si rude Taille & voyant vne paix assurée, dans laquelle ils viuiroient en leur prouince avec chacun sa milice, capable d'assister le Roy & de se deffendre.

F I N.

Handwritten text, likely bleed-through from the reverse side of the page. The text is mirrored and mostly illegible due to fading and the texture of the paper.

